

# ОДОО, ТА ДЭЭРЭЭС ТӨРСӨН



Chris Oyakhilome, D.Sc., D.D

# ОДОО, ТА ДЭЭРЭЭС ТӨРСӨН

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated.

Fourth printing 2009

ISBN 978-34658-7-2

Copyright © 1999 by LoveWorld хэвлэлийн газар  
Хоёр дахь хэвлэл 2003

*email: [info@loveworldbooks.org](mailto:info@loveworldbooks.org)*

*website: [www.loveworldbooks.org](http://www.loveworldbooks.org)*

Хэрвээ өөр орчуулгын талаар дурдаагүй бол Ариун Бичээсийн бүх эшлэл Ариун Библийн 2019 оны орчуулгаас байгаа болно.

## ГАРЧИГ

Жинхэнэ та	7
Та бол шинэ бүтээл	11
Таны доторх Бурханы амь ба мөн чанар!	13
Та бол Бурханы зөвт байдал мөн	17
Та зөвтгөгдсөн!	19
Та ариусгагдсан!	21
Та чөлөөлөгдсөн!	25
Таны дотор Бурханы Сүнс оршдог!	29
Буруу бодол төрөхөд, юу хийх вэ?	31
Хуучин найзууд тань ятгахыг оролдвол, юу хийх вэ?	41
Уй гашуу, хавчлага тохиолдоход, яах вэ?	47
Ариун Сүнс, та хоёр!	55
Чуулганд явах нь танд хэрэгтэй юү?	65



## Эрхэм найз аа,

Та Христ Есүсийг Эзэн, Аврагчаараа хүлээн авсан агшинд мөнхийн авралын үнэгүй бэлгийг хүлээж авсанд тань баяр хүргэе!

Христэд итгэгчдийн итгэл үнэмшил болон үнэнд үндэслэсэн, хүчтэй бөгөөд дүүрэн амьдралыг бий болгож чадах үнэнийг та бүхэнтэй хуваалцмаар байна. Та үүнийг хичээнгүйлэн судлаарай. Тэгээд, энэ нь танд мөнхийн ургацыг авчрах болно.

Христ дотор танд бялхтал өгөгдсөн бүхнийг мэдэж, Бурхан таныг дуудсан найдварын агуу байдлыг ухааран ойлгоход сүнсний нүд тань хангалттай нээгдэхийн тулд Түүний мэдлэгийн илчлэлт, мэргэн ухааны Сүнсийг Тэр танд өгөхийн төлөө би залбирч байна. Амен.

Энэ нь, Христ дотор шинэ амьдралаа эхлүүлэхэд тань туслах болно. Та үүнийг судлахын зэрэгцээ Библиэ нээж, Бичээсийн бүх эшлэлийг бие даан судлаарай.

Энэхүү номонд багтсан илгээлт нь таны амьдралыг өөрчилж, Бурханы Үгийн зарчмын дагуу ирээдүйгээ байгуулахад тань тусална гэдэгт би итгэж байна.

Бурхан таныг бялхам дүүрнээр ерөөх болтугай, Христ Есүсийн Нэрээр, Амен.

**Крис Ояхиломе Пастор**

## ЖИНХЭНЭ ТА

Та харж байгаа бие махбодоосоо агуу хүн. Та бол зөвхөн мэдрэхүйгээ (харах, сонсох, хүрэх, амтлах, үнэрлэх) далдалсан бүрхүүл биш. Таны дотор ямар нэгэн зүйл, эсвэл таны биеэс хамаагүй том хүн байдаг. Энэ бол таны хүний сүнс бөгөөд жинхэнэ та юм.

Энэ бол Библийн 1 Петр номын 3:4-д дүрсэлсэн дотоод хүн юм: *«Харин зүрхэнд нуугдсан хүнийг дөлгөөн ба даруу сүнсний мөхөшгүй чанараар гоё...»*



Хүний бие үхэхэд, түүний сүнс амьдарсаар байдаг. Тэр нас барахаасаа өмнө байсан хүн хэвээрээ л байна. Тэрээр бодит ертөнцөд ажиллах чадвараас өөр юу ч алддаггүй. Түүний бие нь үхсэн байж болох ч үхэхээс өмнө жинхэнэ, сүнслэг хүнд байсан ойлголт нь байсаар байдаг.

Сайн мэдээний Лук номын 16 дугаар бүлэгт нас барсан хоёр хүний тухай түүхийг Есүс өгүүлсэн. Тэдний нэг нь Лазар хэмээх ядуу эр байв. Гэхдээ, түүний ядуу байсан нь бус, харин зүрх сэтгэл нь зөвт байсан нь л чухал байв. Түүнийг нас барахад, Абрахамын цээжинд аваачив. Хоёр дахь хүн мөн нас баржээ. Тэрээр, амьдралынхаа туршид баян байсан боловч түүний амьдрал шударга байгаагүй.

Түүнийг нас барахад, цогцсыг нь газарт булсаныг анхаарна уу. Гэхдээ, тэр хүн тамд нүдээ өргөн Лазарыг Абрахамын цээжинд байгааг хараад, түүнийг таньсан гэж

Есүс хэлж байна. Энэ нь, түүний харсаар байсныг харуулж байна. Үүний дараа тэрээр Абрахамд хандан:

“Надад туслаач!” хэмээн хашгирсан. Таны харж байгаачлан, тэр ярьж чаддаг хэвээр байжээ. Абрахам хариулж, тэгээд тэр Абрахамын дууг сонсов. Тэр сонссон хэвээр байсан нь ойлгомжтой.

Баян эр маш их цангаж байна гэж хэлэв. Тэрээр зөвхөн цангасан төдийгүй зовж шаналж байв. Тиймээс, тэр: «Лазарыг нааш нь явуулаач. Тэр хурууныхаа үзүүрийг усанд дүрээд хэлийг минь сэрүүцүүлэг.» гэж гуйлаа. Тэрээр, энэ нөхцөлд чадах бүхнээ мэдэрч байсныг тэмдэглэх хэрэгтэй.

Түүний бүх мэдрэхүй ажилласаар байв. Үнэн хэрэгтээ, тэрээр өнгөрснөө санаж байсан бөгөөд: “Ах дүү нарт минь гэрчлүүлэхийн тулд үхэгсдээс хэн нэгнийг явуулж өгөөч” гэж хэлсэн. Тэр амьд

ахуйдаа таван ах дүүтэй байсан бөгөөд «үхэгсдээс хэн нэг нь тэдэн уруу явбал тэд гэмших болно.» гэж боджээ. Тэр ах дүүсээ санаж байсан!

Энэ бүхэн нь, бие махбодын үхлийн дараа хүний сүнс үргэлжлүүлэн амьдардгийг харуулж байна. Тэгээд, хүн дахин төрөх үед түүний хүний сүнс дээрээс төрдөг байх нь ээ!

## **2 Коринт 5:17-18**

«Тиймээс хэн нэг нь Христ дотор байвал тэрээр шинэ бүтээл мөн. Харагтун, хуучин нь өнгөрч, шинэ болсон байна! Энэ бүхэн Бурханаас ирдэг бөгөөд Тэрээр биднийг Христээр дамжуулан Өөртэйгөө эвлэрүүлэв. Ийнхүү эвлэрлийн үйлчлэлийг бидэнд өгчээ.» гэж байна.

## **ТА БОЛ ШИНЭ БҮТЭЭЛ**

Та одоо амьдралаа Христ Есүст өгч, Түүнийг амьдралынхаа Эзэн болгосон тул урьд өмнөх шигээ байхаа больжээ. Та гаднах төрхөөрөө өмнөх шигээ харагдаж магадгүй ч дотроо аль хэдийнэ шинэ хүн болсон. Үүнийг Библи бидэнд хэлж байна. Та “шинэ бүтээл шиг” биш, харин “шинэ бүтээл”, урьд өмнө хэзээ ч байгаагүй шинэ хүн болсон (2 Коринт 5:17).

Та өөрчлөгдөөгүй, шинэчлэгдээгүй, засварлагдаагүй. Та бол шинэ бүтээл, цоо

шинэ хүн юм. Гэсэн хэдий ч, та одоо шинэ бүтээл болсон нь гаднаасаа өөр харагдана гэсэн үг биш. Хэрэв гэмшихээс өмнө таны үс богино байсан бол гэмшсэний дараа үсний урт өөрчлөгдөхгүй. Таны ажил, гэр бүл, хөршүүд тань хэвээрээ л байх болно.

Гэхдээ, таны үнэт зүйлс, үнэ цэнэ өөрчлөгдсөнд утга учир нь оршиж байгаа юм. Та дотроо шинэ хүн тул огт өөр үнэт зүйлстэй болсон.

## **ТАНЫ ДОТОРХ БУРХАНЫ АМЬ БА МӨН ЧАНАР!**

**Х**эрвээ та дээрээс төрсөн бол Бурханы хүүхэд байх эрхийг Тэр танд өгсөн (Иохан 1:12). Бурханы мөн чанар таны хүний сүнсэнд байрласан. Христ Есүсийн ачаар Түүнд итгэдэг хүн бүрт байх боломжтой шинэ амь болох Бурханы амь одоо танд байна. Энэ бол үнэхээр том завшаан юм! Үүний үр дүнд, та Бурханы мөн чанарын оролцогч болж байна (2 Петр 1:3-4).

Бурхан одоо таны Эцэг болсон! Яаж? Байгаль төрөлтөөр үрждэг. Тиймээс, нохой

үргэлж нохойг л төрүүлдэг. Тэгээд, Сайн мэдээний Иохан номын 1:12-13: «Харин Өөрийг нь хүлээн авсан болгонд, Өөрийнх нь нэрэнд итгэгчдэд Тэрээр Бурханы хүүхэд болох эрхийг өглөө. Тэд цусаар биш, махбодын хүслээр ч биш, хүний хүслээр ч биш, харин Бурханаар төржээ.» гэж байна.

Таны төлөө эцгийн зөн билэг Бурханд бий. Та бол Түүний гэр бүлийн гишүүн бөгөөд Түүний амьдардаг Тэнгэрийн улсын оршин суугч юм.

Бурхан таны өмнөөс хариуцлага хүлээдэг. Есүс Христээр дамжуулан шавхагдашгүй их баялгийнхаа дагуу таны бүх хэрэгцээг Тэр гайхамшигтай хангах болно (Филиппой 4:19). Таныг дахин төрсөнөөс хойш амьдралд тань хэрэгжүүлж эхлэх гайхалтай төлөвлөгөө Түүнд бий. Та бол хайраар дүүрэн Бурханы хайртай хүүхэд бөгөөд таныг хайрладаг гэр

бүлд төрсөн. Энэ л маш чухал. Тэр таныг Өөрийнхөө Хаанчлалын гишүүн болгохын тулд шинэ амийг танд өгсөн.

Бурхан танд мөнхийн амийг өгсөн гэж Библи тунхаглаж байна. Энэ бол Бурханы доторх амь бөгөөд Түүнийг Өөрийнхөөрөө байх боломжийг олгодог. Энэ бол Бурханы амь мөн. Энэхүү амь нь Христ Есүсийг хязгаарлахыг үхэлд зөвшөөрөөгүй юм. Энэ бол дахин амилалтын амь бөгөөд одоо таны дотор байна!

«Гэрчлэл нь энэ байна.  
Бурхан бидэнд мөнх амь  
өгсөн бөгөөд энэхүү амь  
Хүүд нь байна. Хүүтэй  
хүнд амь бий. Бурханы Хүү  
байхгүй хүнд амь байхгүй.  
Та нар мөнх амьтай гэдгээ  
мэдээсэй гэсэндээ би



**Бурханы Хүүгийн нэрд  
итгэдэг та нарт үүнийг  
бичлээ.» (1 Иохан 5:11-13).**

Ийм амьтай Цорын ганц Нэгэн байдаг бөгөөд Түүнд ХҮҮ бий. Яагаад гэвэл, ийм амь Бурханы Хүүд л байдаг. Та Түүнийг хүлээн авсан тэр л мөчид тэрхүү амийг хүлээж авсан.

Энэхүү амь таныг амьдралын ямар ч нөхцөл байдалд ялагдагч байх боломжгүй болгодог. Тэр таныг нөхцөл байдлаас дээш үргэлж өргөдөг. Үүний тухай бодоод үз! Бурханы хувьд устгагдах, эсвэл ялагдах боломжгүй. Одоо танд Түүний амь бий. Христ Есүсийг үхэгсдээс амилуулсан Тэр л Сүнс таны дотор оршдог тул та устгагдахгүй, бас ялагдахгүй! (Ром 8:11).

## ТА БОЛ БУРХАНЫ ЗӨВТ БАЙДАЛ МӨН!

**2** Коринт 5:21, *«Нүглийг үл мэдэгч Түүнийг бидний төлөө Тэрээр нүгэл болгосны учир Түүний дотор бид Бурханы зөвт байдал болох юм.»* гэж хэлж байна.

“Байгалийн шилжүүлэн суулгалт” гэж нэрлэх зүйлийг Бурхан хийж байна гээд төсөөл дөө. Тэрээр биднийг Есүсийн дотор Бурханы зөвт байдал болгохын тулд Есүсийг нүгэл (цагаатгалын золиос)

болгосон.

Энэ нь Христийг таны оронд нүгэлтний үхлээр үхэх боломжийг олгосон юм. Үүний үр дүнд, одоо та Бурханы өмнө гэм зэмгүй, айдасгүй, дутагдах зүйлгүй зогсож чадна (Еврей 10:19, Ром 5:1).

## ТА ЗӨВТГӨГДСӨН!

**З**өвтгөгдөх гэдэг нь юу гэсэн үг вэ? Энэ нь “гэм буруугүй” хэмээн зарлагдахыг хэлж байгаа юм. Та бол Бурханы нүдээр ямар ч гэм зэмгүй хүн. «Тиймээс бид итгэлээр зөвтгөгдсөн тул Эзэн Есүс Христээрээ дамжин Бурхантай эвлэрсэн.» (Ром 5:1) гэж Библи хэлж байна. Та зөвтгөгдсөн!

Есүс загалмай дээр үхэхдээ ямар ч гэм буруугүй байсан ч таны нүглийн төлөө шийтгэгдсэн байв (1 Петр 2:22). Иймээс, Бурхан таны хийсэн гэм нүглийг дахин

дурсдаггүй

«Учир нь Бурхан дэлхийг Христ дотор Өөртэйгөө эвлэрүүлж, тэдний гэм бурууг эс тооцсон ба эвлэрлийн үгийг бидэнд даалгасан билээ.» (2 Коринт 5:19) гэж байна.

## ТА АРИУСГАГДСАН!

Таныг нүхэнд унаад маш их бохирдчихсон байхад хажуугаар чинь өнгөрч явсан хэн нэгэн таныг аварсан, өөрөөр хэлбэл *“таныг нүхнээс татаж гаргажээ”* гэж нэг хором төсөөлье. Таны хийх ёстой дараагийн алхам бол өөрийгөө цэвэрлэх явдал юм. Өөрөөр хэлбэл, *“өөрийгөө цэвэрлэх”* гэдэг нь өөрийнхөө дээр байгаа нүхний ул мөрийг бүгдийг нь угаах явдал бөгөөд үүнд тодорхой цаг

хугацаа, хүчин чармайлт шаардлагатай болно.

1 Коринт 6:11, «...Гэвч Эзэн Есүс Христийн нэрээр болон Бурханы маань Сүнс дотор та нар угаагдсан, ариусгагдсан, та нар зөвтгөгдсөн.» гэж хэлж байна.

Ариусгал нь хоёр үе шатаар явагддаг: эхлээд, Бурхан таныг нүхнээс гаргаж авдаг. Өөрөөр хэлбэл, та дахин төрсөн бөгөөд яг тэр мөчид таныг Бурханы төлөө ертөнцөөс тусгаарлагдсан, ариусгагдсан гэж Библи тунхаглаж байна. Дараа нь, та нүхийг өөрөөсөө салгах буюу Бурханы Үгээр дамжуулан оюун ухаанаа шинэчлэх явцад шорооны үлдэгдлийг өөрөөсөө арилгах хэрэгтэй (Ром 12:2).

Оюун ухаанаа шинэчлэх нь удаан үргэлжилдэг үйл явц юм. Таны оюун ухаан аливаа зүйлийг байгаа гэдэгт итгэхээсээ өмнө бие махбодынхоо нүдээр харж, тодорхой байдлаар бодоод сурчихсан. Одоо та оюун ухаанаа шинэчлэх замаар аливаа зүйлийг Бурханы нүдээр харах боломжийг оюун ухаандаа олгож байна. Та аливаа зүйлийг Бурханы өнцгөөс харахын тулд оюун ухаанаа дасгалжуулдаг. Үүний ачаар, та Бурханы үгсийг ярьж, Бурханы замаар явж, Өөрийнхөө Үгээр Түүний хүрсэн үр дүнд хүрэх болно





## ТА ЧӨЛӨӨЛӨГДСӨН

«гэрэл дотор ариун хүмүүсийн өвийг хуваалцахад биднийг боломжтой болгосон Эцэгт талархал өргөөсэй хэмээн хүсэж байна. Тэр биднийг харанхуйн эрх мэдлээс авраад, хайрт Хүүгийнхээ хаанчлалд шилжүүлсэн юм.» (Колоссай 1:12-13).

Эзэн Есүс Христэд амьдралаа өгсөн мөчөөс эхлэн та Бурханы Хаанчлалын нэг хэсэг болжээ. Тамаас гарсан нэг ч чөтгөр одоо танд хор хөнөөл учруулж чадахгүй. Та өмнө нь санаатай, эсвэл санамсаргүйгээр хийж байсан аливаа гэрээнээс чөлөөлөгдсөн. Та урьд өмнө хүлэгдэж байсан аливаа зуршил, гэм нүгэл, сул дорой байдал, өвчин эмгэгээс чөлөөлөгдсөн. Яагаад? Яагаад гэвэл, та харанхуйн хүчнээс аврагдсан юм!

Бурхан таныг харанхуйн хяналт болон эрх мэдлээс чөлөөлж, Өөрийнхөө Хаанчлалд шилжүүлсэн гэж Библи хэлж байна. Та дахин айх хэрэггүй. Бурхан бол таны Хоньчин бөгөөд Түүний хамгаалалт таны дээр үргэлж байх болно (Дуулал 22:1).

Библид: «Иймээс Хүү та нарыг чөлөөлвөл та нар үнэхээр эрх чөлөөтэй

болно.» (Иохан 8:36) гэж байна. Бурхан таныг Өөрийнхөө Хаанчлалд оруулсан. Энэ бол таны одоо байгаа газар, энэ бол таны харьяалагдах газар юм. Та харанхуйн хүчнээс аврагдсан. Үүнийг өнгөрсөн цаг дээр хэлснийг анхаараарай. Та харанхуйн хүчнээс аврагдсан!



## **ТАНЫ ДОТОР БУРХАНЫ СҮНС ОРШДОГ!**

Энэхүү шинэ амийн бас нэгэн гайхалтай хэсэг бол одоо таны дотор Бурханы Сүнс оршиж байгаа явдал юм. Ариун Сүнс таны дотор байх үед Бурханы Үгээр Тэр таны нүдийг нээж, Библийн тухай ойлголтыг өгдөг.

Тиймээс, одоо та Библийг судлах үед сүнсэндээ шинэ ойлголттой болж, энэ нь таны амьдралд хэрэглэгдэхийг ойлгоно.

Түүнчлэн, Ариун Сүнс танд Бурханы Үгийг сануулдаг (Иохан 14:26). Үүнээс

гадна, Христ Есүсийн Сайн мэдээний үр дүнтэй гэрч байх хүчийг Тэр танд өгнө.

«Харин Ариун Сүнстa нар дээр ирэхэд та нар хүчийг олж, тэгээд Иерусалим, бүх Иудей, Самари тэр байтугай дэлхийн хязгаар хүртэл Миний гэрч болно гэв.» (Үйлс 1:8).

## **БУРУУ БОДОЛ ТӨРӨХӨД...** *ЮУ ХИЙХ ВЭ?*

**Д**ээрээс төрөх нь таны амьдралд сорилт байхгүй болно гэсэн үг биш боловч та сорилтыг эсэргүүцэх ёстой. Биднийг соригдох бүрт Бурхан гарцыг үргэлж зааж өгдөг гэж Библид сургадаг (1 Коринт 10:13). Тиймээс, таны оюун ухаанд буруу бодол орж ирэх үед,



## (1) ТА БОЛ ШИНЭ БҮТЭЭЛ ГЭДГЭЭ САНА

Эдгээр бодол нь гадны хүч шиг, чөтгөрийн сорилтын тодорхой төрөл адил таны дотор төрдөг. Ялангуяа, одоо дээрээс төрсөн энэ үед та тэдгээрийг оюун ухаандаа бий болгодоггүй. Бид (дээрээс төрсөн итгэгчид) Христийн оюун ухаантай гэж Библи хэлж байна (1 Коринт 2:16). Одоо та хэн гэдгээ санаж байх хэрэгтэй. Та бол шинэ бүтээл! Бид шинэ бүтээл гэдгээ, мөн Тэр бидэнд шинэ амь бэлэглэснийг үргэлж санаж явахыг Бурхан хүсэж байна. Энэ бол таны итгэх хэрэгтэй шинэ амь мөн.

## (2) ДУУЛГАВАРТАЙ БАЙДЛААР АЛХ

Бурханд дуулгавартай бай! Муу зуршлын тухай бодол танд төржээ гэж авч үзье. Муу зүйл хийхэд хүргэдэг дарамт

маш их байдаг. Та буруу зүйл хийсээр байгаад, бүр хэтрүүлчихсэн ч байж болох юм. Гэсэн ч, та дээрээс төрсөн, шинэ бодгаль болсноо санах тэр мөчид л өөрийгөө эзэмдэж, эр зоригтой болж, ийм сорилтыг даван туулах болно.

Бурханд дуулгавартай бай! Дээрээс төрснөөр таны толгойд буруу бодол төрөхөө болино гэсэн үг биш гэдгийг харж байгаа биз. Гэхдээ, хамгийн гол нь, та тэдэнд өөрийг тань эзэмдэхийг зөвшөөрөх ёсгүй. Тэдгээрээс татгалз! Нэг хүн маш зөв зүйлийг анзаарч: “Та шувууг толгой дээгүүрээ нисгэхгүй байж чадахгүй ч толгой дээрээ үүрийг нь засуулахгүй байж чадна!” хэлсэн.

Буруу бодлууд нь гадны хүч учраас хэзээ нэгэн цагт тан руу ирэхээс урьдчилан сэргийлж чадахгүй ч та тэдгээрийг дотор тань орж суурьшихаас сэргийлж чадна. Буруу бодлууд таны амьдралд нөлөөлж,

таныг захирахыг, мөн дотор тань тогтохыг бүү зөвшөөр. Үүний оронд, зөв зүйлийг бодож, буруу болыг зогсоож болно (Филиппой 4:8).

Та бол эрэгтэй боловч эмэгтэй хүний дүрд тоглох ёстой жүжигчин байна гэж бодъё. Та эмэгтэй хүний даашинз өмсөж, хиймэл үс зүүгээд, эмэгтэй хүн шиг аашилж, ярьж байгаа ч нэвтрүүлгийн төгсгөлд эр хүн гэдгээ мартдаггүй. Та тайзан дээрээс бууж, хувцас солих өрөө рүү ороод, өөрийнхөө хувцсыг өмсөөд, гэртээ харина. Маргааш өглөө нь ажил дээрээ ирэхдээ ч та үнэн хэрэгтээ эр хүн гэдгээ огт мартдаггүй. Та эр хүн шиг ярьж, биеэ авч явдаг. Та ажил дээрээ ирээд, өчигдөр орой тайзан дээр дүрийг нь бүтээсэн эмэгтэй шиг ярьж, аашлах нь танд таагүй байх болно.

Одоо үүнтэй адил зүйл болж байна. Та дээрээс төрөхөөсөө өмнө ёс зүйгүй

байсан боловч одоо шинэ амьтай болсон. Тэгээд ч, энэ бол одоо амьдрахад тань шаардлагатай шинэ амь юм. Та удаан хугацааны туршид “эмэгтэй хүний дүрд тоглосон” бөгөөд заримдаа өөрийнхөө хэн болохыг мартаад, “эмэгтэй хүн шиг” аашилж эхэлдэг. Гэхдээ, та үнэхээр “эр хүн” гэдгээ санаж байхдаа өөрийгөө засдаг. Та зогсоод: “Өө, би эмэгтэй хүн биш шүү дээ, тайзан дээр ямар нэгэн дүрд тоглоогүй байна. Би өөрөөрөө байх ёстой!” гэж өөртөө хэлнэ.

Энэ бол таны амьдралын муу зуршлыг зогсоох арга юм. “Би дээрээс төрсөн хүн! Энэ бол миний жинхэнэ мөн чанар юм!” гэж өөртөө хэл. Ямар ч зуршил байсан хамаагүй, түүнийг санахдаа (харин та түүнийг санах болно), ЗОГС! гэж хэл. “Би дээрээс төрсөн! Одоо боль!” гэж өөртөө хэл.

Гэм нүглийг тойрог замд бүү оруул.

Тэгээд, тантай хамт энэ нүгэлд холбогдсон хүнд хандан “Уучлаарай, би дээрээс төрсөн тул үүнийг хийж чадахгүй.” гэж хэлэхээс бүү ич. Муу зуршлуудаас чөлөөлөгдөж, тэдгээрийг сайн зуршлуудаар соль. Үүнийг зориуд хий. Бурханы зан чанарын шинжүүдийг Бичээсээс олж, тэдгээрээр өөрийгөө дасгалжуулж хэрэгжүүл.

### (3) ҮГИЙГ ХЭРЭГЖҮҮЛЭГЧ БАЙ!

Бурхан биднийг зөвхөн сонсогч байхыг хүсдэггүй, харин бид Үгийг хэрэгжүүлэгчид юм:

«Гэхдээ өөрсдийгөө хуурдаг зүгээр нэг сонсогчид биш, үгийг хэрэгжүүлэгчид байг. Учир нь сонсоод эс үйлдэгч нь төрөлх царайгаа толинд харж байгаа бөгөөд тэрээр өөрийгөө хараад, эргэхдээ

ямар байснаа даруй мартдаг хүнтэй адил юм.» (Иаков 1:22-24).

Та Үгийг санаж, Түүний дагуу биеэ авч явахдаа Үгийг хэрэгжүүлэгч болно. Тэгээд та түүнийг үргэлж санах болно. Энэ бол бидний дотор Ариун Сүнсний хийдэг зүйлсийн нэг юм. «Харин Туслагч буюу Миний нэрээр Эцэгийн минь илгээх Ариун Сүнс та нарт бүгдийг заах бөгөөд та нарт хэлсэн бүгдийг минь сануулах болно.» (Иохан 14:26) гэж Есүс хэлсэн.

Ариун Сүнс үргэлж дэргэд байдагт Бурхандаа талархаж байна. Үгийг санах үед Тэр бидэнд тусалдаг! Та одоо Үгийг санаж байгаа тул Түүний дагуу биеэ авч явах хэрэгтэй. Санахын тухайд санаа зовох хэрэггүй. Үүнийг Ариун Сүнс л ой санамжинд тань амилуулах болно. Гэхдээ, Тэр таны оюун ухаанд эдгээр үнэнийг

авчрах үед та Түүнд дуулгавартай байхын тулд үргэлж бэлэн байх хэрэгтэй.

#### (4) ГЭМ НҮГЭЛ ТАНЫГ ЗАХИРАХГҮЙГ САНА

Та өөрөө л зөвшөөрөхгүй бол буруу бодол танд нөлөөлөх эрх мэдэлгүйг санах хэрэгтэй. «...нигүүлслийн дор байгаа тул нүгэл та нарыг захирахгүй.» (Ром 6:14). Нүгэл нь таны дээр давамгайлдаггүй. Та хуулийн дор биш, харин нигүүлслийн дор байгаа тул Тэр таныг хянахгүй. Таны тухай Библид үүнийг хэлж байна.

Бурхан таныг Өөрийн Хаанчлалын төлөө гэм нүглийн эрх мэдлээс чөлөөлсөн:

дотор ариун хүмүүсийн  
өвийг хуваалцахад биднийг  
боломжтой болгосон Эцэгт  
талархал өргөөсэй хэмээн  
хүсэж байна. Тэр биднийг

харанхуйн эрх мэдлээс  
авраад, хайрт Хүүгийнхээ  
хаанчлалд шилжүүлсэн  
юм.» (Колоссай 1:12-13).

Энэ бол дээрээс төрсөн хүний хувьд одоо таны байгаа газар юм. Чухамхүү тийм л учраас харанхуйн хүч таныг захирч чадахгүй. Харанхуйн хүч нүглийн хаанчлалд, харин та нүглийг шахан гаргадаг Бурханы амийн Хаанчлалд байдаг. Тиймээс, харанхуйн хүчнүүд таны дээр ямар ч эрх мэдэлгүй болохыг та харж байна.

Колоссай 1:14, «Хүүгийнх нь дотор бидэнд нүглийн уучлал болох золилт байна.» гэж байна. Есүс Христ дотор бид нигүүлсэлтэй байдаг. Энэ нь, яг одоо бидэнд байна (Ефес 2:5-6). Бид нигүүлслийг авах гэж хичээдэггүй, яг одоо үүнийг аль хэдийнэ авчихсан байна! Бид



үргэлж Бурханы Үгийн ийм ойлголттой байж, түүндээ баярлах хэрэгтэй.

## ХУУЧИН НАЙЗУУД ТАНЬ

...  
*ЯТГАХЫГ ӨРОЛДВОЛ,  
ЮУ ХИЙХ ВЭ?*

Та дээрээс төрсөн тул шинэ гэр бүлд харьяалагдаж байна. Та хуучин гэр бүлийнх байхаа больсон. Энэ нь, та хуучин найз нөхөдтэйгээ харилцах бүх харилцаагаа бүрэн таслах, үл тоомсорлох эсвэл татгалзах ёстой гэсэн үг биш. Та тэдний хувьд гэрэл нь болох ёстой. Тэдний зүрх сэтгэлд Христ Есүс байхгүй тул тэд харанхуй хэвээр байна. Одоо та тэдэнд Бурханы гэрэл болж байгаа гэдгээ санаж байх ёстой. Тэд ч бас Есүсийг дагахын

тулд тэдэнтэй Сайн мэдээ хуваалцаарай.

Тэд таны итгэлтэй байдлыг булаах гэж оролдох үед та юу хийх ёстой вэ? Өөрсдийн хүсэл тачаалын дагуу үйлдэж, үнэнийг тохуурхах «элэглэн тохуурхагсад» эцсийн өдрүүдэд гарч ирэх болно гэж Библид хэлж байна (2 Петр 3:3-4).

“Элэглэн тохуурхагсад” бол таны итгэлтэй байдлыг алдагдуулж, өнгөрсөн амьдрал руу тань буцаахыг хичээдэг хүмүүс юм. Гэсэн ч, та тэднийг дагахаас татгалзах хэрэгтэй. Христийг дагах замд тань тэдний харилцаа саад болохыг бүү зөвшөөр. Тэд нараар удирдуулахаас татгалз. Тэдний зөвлөгөөг битгий хүлээж ав. Эсрэгээрээ, Бурханы болон Түүний Үгийн төлөө зогс.

## ТЭНЦВЭРГҮЙ БУУЛГА

Механикжуулсан тариалангийн

эртний өдрүүдэд тариачин хоёр амьтныг, жишээлбэл, илжиг, бух хоёрыг анжсандаа уяжээ. Хоёр амьтан үргэлж хоёулаа хамтдаа хөдөлж, газар хагалав. Эхнийх нь хаашаа ч явсан, дараагийнх нь дагаж байв. Тэд нэг буулган дор байхдаа нэг л зүгт явах ёстой байсан тул тариачин тэднийг нэг буулгаар холбоод, удирдан чиглүүлж байв.

Хэрэв хоёр амьтан хоёулаа, жишээлбэл, илжиг байсан бол үүнийг “тэнцвэртэй буулга”, нэг нь илжиг, нөгөө нь бух байсан бол “тэнцвэргүй буулга” гэж нэрлэдэг байв (учир нь тэд өөр өөр зүйлийн амьтад байсан). Хэрэв бид хэн нэгэнтэй холбогдсон бол энэ нь, жишээлбэл, хоёр Христэд итгэгч амьдралаа хамтдаа өнгөрөөдөг шиг “тэгш буулга” байх ёстой. Гэхдээ, хэрвээ Христэд итгэгч болон үл итгэгч дотно нөхөрлөдөг бол энэ нь “тэнцвэргүй буулга” болно. «Эзэн Есүсийг амилуулсан Нэгэн биднийг

ч бас Есүстэй хамт амилуулж, биднийг та нарын хамт өмнөө аваачна гэдгийг бид мэддэг. Учир нь бүх юмс та нарын төлөө байдаг нь нигүүлсэл улам олон хүнд нэмэгдэж, талархал нь Бурханы алдарт ихсэхийн тулд юм.

Тиймээс бид зүрх алддаггүй. Хэдийгээр гаднах хүн маань ялзарч байгаа ч доторх нь өдрөөс өдөрт шинэчлэгдэж байна.» (2 Коринт 6:14-16) гэж Бурхан хэлж байна. Та харж байна уу: Хэрэв та болон үл итгэгчтэй ойр дотно нөхөрлөлийг бий болгож, амьдралыг хамт туулж байгаа бол “тэнцвэргүй буулга”-нд байна гэсэн үг. Тийм байх албагүй. Бурхан таныг “тэнцвэргүй буулганд” байхыг хүсдэггүй, харин бусад Христэд итгэгчидтэй хамтдаа амьдралаа босгон байгуулж, хөдлөхдөө “тэнцвэртэй буулганд” байхыг хүсдэг. Үл итгэгч хүн таны хамгийн сайн найз байж чадахгүй. Энэ хүн хичнээн өндөр ёс суртахуунтай

байсан ч, хэрэв тэр дээрээс төрөөгүй бол таны хамгийн сайн найз байж чадахгүй. Энэ нь “тэнцвэргүй буулга” тул Бурханы хувьд хүлээн зөвшөөрөгдөх боломжгүй. Хувийн үнэлгээ тань Бурханы үнэлгээтэй ямар ч хамаагүй.

Нэгэн удаа хөвгүүдийнх нь нэгийг Израилийн хаан болгон тослохоор Иессигийн гэр рүү Самуэлийг Бурхан илгээжээ (1 Самуел 16:1-13). Самуэл Иессигийн анхны хүү Елиабыг хараад: “Үнэхээр Эзэний тосолсон хүн Өөрийнх нь өмнө байна!” гэж бодов. Гэвч Эзэн Самуелд айлдан, “Түүний гаднах байдлыг болон нурууных нь өндрийг бүү хар. Би түүнийг үл хэрэгсэв.” гэж Самуелд айлдав. Дараа нь, Тэрээр: «..Бурхан мөхөс нэгэнтэй адил хүний гаднах төрхийг хардаггүй. ЭЗЭН зүрхийг нь хардаг гэв.». Тиймээс таны хувийн үнэлгээ ихэвчлэн хүн юу гэж хэлдэг, яаж харагддаг, хэрхэн алхдаг зэрэг

гаднах үзүүлэлт дээр тулгуурладаг. Та үүн дээр үндэслэн түүний талаар ямар ч үзэл бодлыг бий болгож чадах боловч Бурхан хүний доторхыг л хардаг.

Дээрээс төрөөгүй хүн Бурханд тохирсон зөв сүнсгүй байдаг. Дээрээс төрөх нь Бурхантай эвлэрэх цорын ганц арга зам мөн. Зөвхөн ийм тохиолдолд л хүн таны хамгийн сайн найз болж чадна. Гэхдээ, тэр дээрээс төрөх хүртлээ Бурханы стандартад тохирдоггүй тул таны хамгийн сайн найз байж чадахгүй. Одоо та дээрээс төрсөн болохоор Бурханд таалагдах нь таны хүсэл ёстой. Тиймээс, өөрийнхөө хувийн стандартыг бүү ашигла. Энэ нь маш чухал шүү.

Зүрх сэтгэлээ Бурханд өгөөрэй, тэгээд Тэр таныг бүх зүйлээр хөтлөх болно (1 Коринт 10:13).

## УЙ ГАШУУ, ХАВЧЛАГА ...

*ТОХИОЛДОХОД,  
ЯАХ ВЭ?*

Марк номын 4:1-9-д тариачны тухай сургаалт зүйрлэлийг Есүс бидэнд хэлж байна. Түүнийг үр цацахад зарим нь чулуурхаг хөрсөнд, зарим нь хатуу хөрсөнд, зарим нь хогийн ургамлын дунд, нөгөө нь сайн хөрсөнд унав. 16 ба 17 дугаар эшлэлд

«Үүнчлэн тэдгээр нь чулуурхаг газар таригдсан ба тэд үгийг сонсоод тэр даруй баяртайгаар хүлээн



авдаг. Гэвч тэд үндэсгүй тул  
түр зуурынх бөгөөд дараа  
нь үгнээс болж зовлон,  
хавчлага тохиолдоход шууд  
л бүдрэн унадаг.» гэж байна.

Өөртөө үндэсгүй хүмүүсийн тухай, уй  
гашуу зөвхөн тодорхой хугацаанд ирдэг  
гэж Есүс хэлж байна. Түүний хэлсэнчлэн,  
тийм хүмүүс Үгийг халуун сэтгэлээр хүлээж  
авсан ч Үгийн төлөө уй гашуу, хавчлага  
ирэх үед уруу татагддаг. Зарим хүмүүст  
ийм зүйл тохиолддог.

Есүсийг чин сэтгэлээсээ хайрладаггүй  
хүмүүс олон байдаг гэж Бичээст Есүс  
хэлсэн. Тэд залбирлын хариулт, аз  
жаргал, мөнх амийн амлалттай учраас  
Бурханы Үгэнд баярладаг боловч үнэндээ  
Бурханыг хайрлах чин сэтгэлийн хайрыг  
мэдэрдэггүй. Тиймээс, хавчлага ирмэгц

тэд бууж өгдөг. Энэ үнэхээр харамсалтай!  
Хавчлага, уй гашуу тохиолдох үед та  
Бурханы үгийг дагаж, дараах зүйлийг хийх  
хэрэгтэй:

## (1) БУРХАНД ЧИН СЭТГЭЛЭЭСЭЭ ХАЙРТАЙ БАЙ

Өөрийг нь гүн гүнзгий, хүчтэй хайраар  
хайрлахыг Бурхан танаас хүсдэг. Хайр  
өсөж, эсвэл унтарч болно. Та Түүний тухай  
бодож, Түүний Үгийг сонсож, залбирлын  
үеэр Түүнтэй харилцаа тогтоох тусам  
Түүнийг улам ихээр хайрлах болно. Яагаад  
гэвэл, бид бие биеэ илүү сайн мэддэг  
болох тусам хайр улам бүр нэмэгддэг.  
Та Бурханыг таних тусам Тэр болон  
Түүний хайр танд илүү илчлэгддэг бөгөөд  
Бурханыг хүлээн авч чаддаг.

Таны дотор Бурханыг хайрлах хүчтэй  
хайр байгаа бол Түүний Үг таны зүрх

сэтгэлд үндэслэнэ. Тиймээс, амьдралын аливаа нөхцөл байдалтай тулгарахдаа түүнд хамаарах Бурханы байр суурийг та мэдэж байгаа тул тухайн нөхцөл байдал дахь Түүний байр суурийг шууд тунхаглах болно. Хэл гэдэг амилуулах бас үхүүлэх хүчтэй (Сургаалт үгс 18:20-21) бөгөөд зүрхнийхээ бялхлаар ам ярьдаг (Матай 12:34-35, 37) гэж Библи хэлж байна. Та ямар ч нөхцөл байдалд зүрхээ Бурханы Үгээр дүүргэх үед Бурханы замыг харж, Бурханы хэлдэг үгсийг хэлэх болно. Тэгээд, энэ нь биелэх болно!

## (2) Бүү бууж өг!

Асуудал бэрхшээлүүд таныг шахаж байсан ч та бууж өгөх ёсгүй! Та дээрээс төрсөн болохоор асуудал дахин ирэхгүй гэсэн үг огт биш. Үүний адил, танд сорилт тулгарахгүй гэсэн үг ч биш. Энэ нь, аливаа

бэрхшээлийн өмнө хийгээд бэрхшээлээр хүрээлэгдсэн ч тэдгээрийг даван туулахад, Бурхан таныг удирдан чиглүүлнэ гэсэн үг юм. Яг түүнчлэн, Дуулал номын 22:5-д: «Өстнүүдийн минь өмнө Та надад ширээ засжээ...» гэж хэлсэнчлэн, та дайснуудын дунд байсан ч тэд таныг устгаж чадахгүй. Хавчлага, эсвэл дайралтууд амьдралыг тань сүйрүүлж чадахгүй!

Таныг бууж өгөхийг Бурхан хүсдэггүй. Та хүчтэй байх хэрэгтэй! Хичнээн хүнд хэцүү, төвөгтэй нөхцөл байдал таныг хүрээлж байвч хэзээ ч бүү бууж өг! Эдгээрийг даван туулахад Бурхан л таныг удирдан чиглүүлэх тул сэтгэлээр унах хэрэггүй. Түүнд үнэнч хэвээрээ үлд, тэгээд Тэр хэзээ ч таны урмыг хугалахгүй, бас таныг орхихгүй. Амьдралын ямар ч нөхцөл байдлаас та ялалттай гарч ирэх болно. Яагаад гэвэл, эдгээр нөхцөл байдлууд нь танд сургамж болно. “Голоор

туулахдаа чи живэхгүй. Гал дундуур явсан ч чи түлэгдэхгүй.” гэж Исаиа номын 43:2-т хэлж байна. Та Христ Есүсийг дагахдаа Түүнд бүх зүрх сэтгэлээрээ үйлчил, нөхцөл байдлаас үл хамааран Түүнийг л дага. «Харин Эзэн Есүс Христээр маань бидэнд ялалт өгдөг Бурханд талархал нь байх болтугай. Тиймээс хайрт ах дүү нар минь, та нарын зүдэл зүтгэл Эзэн дотор хоосон биш гэдгийг мэдэж, тууштай байж, гуйвж дайвалгүй, Эзэний үйл хэргээр үргэлж бялхаж бай.» (1 Коринт 15:57-58)

«Бурханаар төрсөн бүхэн ертөнцийг ялдаг. Ертөнцийг ялсан ялалт нь бидний итгэл болой.» (1 Иохан 5:4)

Бурхан бидний Эзэн Есүс Христээр дамжуулан бидэнд ялалт өгсөн тул

бид ялагдахгүй. 1 Иохан 5:4-ийг сайтар судлаарай. Энд, ертөнцийг ялсан ялалтын тухай өгүүлдэг бөгөөд энэхүү ялалт нь бидний итгэл юм. Итгэлээрээ амьдар. Та ялагдагч биш, харин ялагч мөн. Та Бурханаас төрсөн тул ялагч байхаар төрсөн. Та бол Түүний Сүнснээс төрсөн Бурханы хүүхэд мөн!



## АРИУН СҮНС, ТА ХОЁР

**Дээрээс төрнө гэдэг нь Бурханы Сүнснээс төрнө гэсэн үг** (1 Коринт 12:13, Иохан 3:5-8). Таныг дахин төрөхөд Ариун Сүнс амьдралын тань салшгүй хэсэг болдог тул та Түүний хэн болохыг ойлгож, таны амьдрал дахь Түүний ажлыг мэдэх хэрэгтэй.

Христээр дамжуулан танд боломжтой болсон хүч (Лук 24:49, Үйлс 1:4-8) хийгээд бэлгийг хүлээн авах (1 Коринт 12:8-10) Түүний доторх бялхам амьдралаар



баярлан бахархахыг танд санал болгохын тулд Тэр ирснийг та ойлгох хэрэгтэй.

## **АРИУН СҮНС ГЭЖ ХЭН БЭ?**

- Библийн янз бүрийн хэсгүүдэд Ариун Сүнсний талаар сануулдаг.
- Хуучин Гэрээнд Түүнийг ер бусын зүйлийг хийх хүч чадал, чадвартай гэж харуулсан байдаг (Шүүгчид 14:6, 19).
- - Есүсийн амь, үйлчлэл, төрөлтөөр Түүний илрэлийг Шинэ Гэрээнд бид хардаг (Лук 4:18).
- Түүнчлэн, Үйлс номын 2:1-4-т Христийн шавь нарын амьдралд ажилладаг Ариун Сүнстэй бид уулздаг.
- Тэр бол Бурхан. Тэр бол Бурханлаг бодгаль. Тэр бол Гурвалын нэг мөн (Иохан 14:16-17, Иохан 15:26).
- Тэр цаг тооллоос ч өмнө байсан (Эхлэл 1:2).
- Тэр бол Бурханы хүч чадлын илрэл юм.

Өөрөөр хэлбэл, Тэр бол Бурхан Эцэгийн хэлсэн аливаа Үгийг хэрэгжүүлдэг Бурханы хэсэг мөн (Эхлэл 1).

- Тэр бол эрүүл оюун ухаан, хүч чадал, хайрын Сүнс мөн (2 Тимот 1:7).
- Тэр бол эрх чөлөөний Сүнс юм (2 Коринт 3:17).

## АРИУН СҮНС ХЭН, ЭСВЭЛ ЮУ БОЛДОГҮЙ ВЭ?

Түүнчлэн, Ариун Сүнс бол тагтаа, тос, салхи, эсвэл хүч БИШ боловч энэ бүхэн Түүний бэлэг тэмдэг болохыг Бичээсээс бид харж байна. Тэр Өөрөө «хэл» болдоггүй ч хэлээр ярих чадварыг өгдөг. Тэр «хүч» биш боловч биднийг Бурханы хүч болгодог. Та айдаст хүргэх боолчлолын сүнсийг хүлээн аваагүй (Ром 8:15), харин Тэр танд эрх чөлөөний Сүнсийг бэлэглэдэг (2 Коринт 3:17).

## АРИУН СҮНС ЮУНЫ ТӨЛӨӨ БИДЭНД ХЭРЭГТЭЙ ВЭ?

- Ариун Сүнс биднийг Бурханлаг хүч болгодог (Үйлс 1:8). “Dunamis” гэх грек үгнээс “хүч” хэмээн орчуулагдсан үг нь үнэн хэрэгтээ «өөрчлөлт хийх динамик чадвар» гэсэн утгатай. Ариун Сүнс бидний дотор оршихоор ирэхдээ бидний болон бусдын амьдралыг өөрчлөх чадварыг бидэнд өгдөг.

- Сайн мэдээ тунхаглах эр зоригийг Тэр бидэнд өгдөг (Матай 28:18-20, Марк 16:15-18).

- Тэр биднийг чиглүүлж, дагуулдаг (Иохан 16:13, Үйлс 9:31).

- Тэр бидэнд заавар өгч, биднийг сургадаг (Иохан 14:26, 1 Коринт 2:11-12).

- Тэр бидэнтэй хамт явж, бидний өдөр тутмын амьдралын хэсэг болдог (Иохан 14:16).

- Тэр биднийг Бурханы хүүхдүүд,

Есүс Христ доторх хамтран өвлөгчид гэж бидний сүнсэнд гэрчилдэг (Ром 8:16, Ефес 3:6).

- Хайраар Бурханд хандах эрх чөлөөг Тэр бидэнд өгдөг (Ром 8:15; 2 Коринт 3:17; 2 Тимот 1:7).

## ТА АРИУН СҮНСТЭЙ НӨХӨРЛӨЖ БОЛНО

Иохан номын 14:17-д: «Тэр бол үнэний Сүнс бөгөөд Түүнийг харахгүй мэдэхгүйгээсээ болж ертөнц Түүнийг хүлээн авч чадахгүй. Тэр та нартай хамт байх бөгөөд та нарын дотор байх тул та нар Түүнийг мэднэ.»

Ариун Сүнстэй харьцана гэдэг нь Түүний оршихуйг мэдэж, таны амьдрал дахь Түүний үйлчлэлийг хүлээн

зөвшөөрөхийг хэлнэ. Тиймээс, та Түүнтэй харилцаж, Түүнийг найзаа гэж үзээд, Түүний оршихуйд цагийг өнгөрөөх хэрэгтэй. Та залбиралд цаг заваа зориулж, Үгийг судлан, Ариун Сүнсний заавар, сургамжийг дагаснаар ийм харилцааг бий болгож чадна.

Та дээрээс төрөхдөө Ариун Сүнсээр баптисм хүртдэг. Баптисм хүртэнэ гэдэг нь ямар нэгэн зүйлд бүрэн булхана гэсэн үг юм. Жишээлбэл, та резинэн бөмбөг авч, түүнийг усанд бүрэн дүрэхийн тулд устай том саванд түүнийг хийж болно. Таныг дээрээс төрөхөд яг ийм зүйл тохиолддог бөгөөд та яг бөмбөг шиг Ариун Сүнсэнд шумбах болно.

Гэхдээ, усанд дүрэгдсэн бөмбөг байх, дотроосоо дүүрээд усанд бүрэн дүрэгдэх нь огт өөр зүйл гэдгийг та мэднэ. Бөмбөгийг усаар дүүргэхийн тулд түүнд хүрэх зам байх хэрэгтэй. Өөрөөр хэлбэл, бөмбөгний

материал нь түүний дотор ус нэвтрэх боломжийг олгох ёстой. Үүнтэй адил, та дээрээс төрөхдөө Ариун Сүнсийг хүлээн авч, Түүгээр дүүрэх хэрэгтэй.

Гэхдээ Ариун Сүнсээр дүүрэх нь амьдралд ганц тохиолддог нэг удаагийн үйлдэл биш гэдгийг ойлгох нь чухал. Харин энэ бол өдөр тутмын байнгын үйл явц юм (Ефес 5:18). Энэ нь, таны амьдрал дахь Түүний үйл ажиллагаа, Түүний оршихуйн тухай байнгын мэдлэг юм. Та магтаал хүндлэл, залбирал, Бурханы Үгийн судалгаа, Түүний заавар, зөвлөмжийг тасралтгүй дагаж, Түүнтэй харилцаа тогтоосноор Ариун Сүнсээр тогтмол дүүрч чадна. Тийнхүү, та Ариун Сүнсээр удирдуулах болно.

## ХЭЛЭЭР ЯРИХ НЬ

Өмнө дурдсанчлан, Ариун Сүнс Бурханы хүүхдүүдэд бусад, шинэ хэлээр

ярих чадварыг өгдөг бөгөөд энэ нь итгэгчдэд дагалдана гэж Бурханы хэлсэн тэмдгүүдийн нэг юм (Марк 16:17).

Энэ бол итгэгчид сүнсээрээ Бурхантай шууд харьцсаны ачаар Ариун Сүнсний танд бэлэглэдэг сүнслэг бөгөөд ер бусын чадвар юм.

Хэлээр ярих нь «сүнсээр залбирах»-д хамаарна. Бид хэлээр ярихдаа, шууд Бурханд ханддаг (1 Коринт 14:4), бидний сүнс хамгийн ариун итгэл дээр өөрсдийгөө сүндэрлүүлдэг (Иуда 1:20). Түүнчлэн, бид тийнхүү сүнсээ сэргээж, хүчээ сэлбэдэг (Исаиа 40:31).

Та Ариун Сүнсийг хүлээн авсан мөчөөс эхлэн, өөрөө хүсэх л юм бол хэзээ ч хэлээр ярьж чадна. Тэр танд хэлээр ярих чадварыг өгдөг. Тиймээс, та Бурхантай үргэлж хэлээр ярьж чадна.

Хэлээр ярьж эхлэхдээ, үүнийг үргэлж давтаж, тогтмол дасгал хийснээр улам

сайн ярьдаг болно. Энэ нь, яг анхны үгээ хэлж, хэлд орж байгаа хүүхэд шиг байдаг. Гэхдээ, тэр ярих тусам түүнд ярихад илүү хялбар болно. Хэлээр ярихад ч бас тийм л байдаг. Энэ бол шинэ хэл бөгөөд хэдийгээр та түүнийг сурах шаардлагагүй ч үргэлжлүүлэн ярих тусам илүү сайжрах болно.

Түүнчлэн, хэрэв та үе үе хэлээр яривал, энэ нь таны сүнслэг өсөлтийг нэмэгдүүлж, Ариун Сүнсний илрэл хийгээд бусад бэлгүүдээр таныг хөтлөх болно.





## ТА ЧУУЛГАНД ЯВАХ ХЭРЭГТЭЙ ЮУ?

Газар дээрх Түүний Бие болох Өөрийнхөө Чуулганы талаар Матай номын 16:18-д Есүс хэлсэн. Тэгээд, Тэрээр түүнийг байгуулах бөгөөд түүнийг Үхэгсдийн орны хаалга дийлэхгүй гэж Тэр хэлсэн юм

«Бие нь нэг атлаа олон эрхтэнтэй байдагчлан биеийн бүх эрхтэн хэдийгээр олон боловч нэг бие болдог. Христ ч мөн тийм билээ.

Учир нь иудейчүүд эсвэл грекчүүд, боолууд эсвэл эрх чөлөөт хүмүүс ч ялгаагүй бид бүгд нэг Сүнсээр нэг бие рүү баптисм хүртэж, нэг Сүнсийг уусан юм. Учир нь биеийн эрхтэн ганц биш, харин олон.» (1 Коринт 12:12-14).

Бид бол Бие, харин Христ бол Тэргүүн мөн. Бүх Христэд итгэгчид (дээрээс төрсөн) Түүний Биеийн эрхтнүүд нь юм (1 Коринт 12:27). Хүний биеийн янз бүрийн хэсгүүд тусдаа, бусдаас салангид ажиллаж чаддаггүйтэй адил Христийн Биеийн янз бүрийн гишүүд дангаараа үр дүнтэй ажиллаж чадахгүй. Тиймээс, Чуулганыг бүхэлд нь байгуулахын тулд Чуулганы янз бүрийн гишүүдэд өөр өөр дуудлагыг, өөр өөр бэлгийг Бурхан өгчээ (1 Коринт 12:18-24; Ефес 4:11-12).

Чуулганд очих нь гайхамшиг, эдгэрэл, эш үзүүллэг зэрэг Бурханы янз бүрийн бэлгээр дамжуулан бие биеэ сургаж, ерөөх боломжийг бидэнд олгодог Бурханы хүслийг дуулгавартай дагах явдал юм.

Та Үгийг судалж, бусдын гэрчлэлийг сонсож, гайхамшгуудыг үзэхдээ, Үгийг илүү гүнзгий ойлгох чадвартай болно. Нэгдсэн залбирал ба Бурханд мөргөх нь гишүүн бүрт онцгой байдлаар үйлчилдэг Ариун Сүнсний үржүүлсэн тосолгоог авчирдаг (Еврей 10:25; Үйлс 1:14; Дуулал 132:1-2).

Хэрвээ хүн Сүнсээр дүүрэн Чуулганд явдаггүй бол өөрөө Үгийн дагуу амьдрахыг хичээсэн ч бараг биелүүлэх боломжгүй даалгаврыг өмнөө тавьдаг юм. Гэхдээ, хэрэв та Чуулганы идэвхтэй хэсэг бол энэ нь, Чуулган болон түүний гишүүдийн талаар илүү ихийг мэдэх боломжийг танд олгоно. Та насанд хүрэх үед л сүнсээ (дотоод хүнээ) хөгжүүлж чадна. Энэ нь,

Үгийн дагуу амьдрахад тань тусалж, таныг илүү үр бүтээлтэй болгоно.

Та Христэд итгэгчийн хувьд өөрийн ГЭР хэмээн нэрлэж, түүний бүхий л арга хэмжээнд оролцох боломжтой орон нутгийн Чуулганаа тодорхойлох хэрэгтэй. Үгүй бол та Бурханы олон ерөөлийг өөрөө алдаж, аажмаар Түүний Үгнээс гажих болно.

Одоо та дээрээс төрсөн болохоор өөрийгөө таньж, ариун хүмүүсийн цуглаанаас бүү гараарай (Еврей 10:25) - Чуулганд хамрагдаарай!



# СҮНСЭЭР ӨСӨӨРЭЙ

Бид Бурханы Үгийг сонсоход, бидэнд итгэл төрдөг гэж Библи хэлж байна. Сүнсний өсөлтийн тухай дараах илгээлтүүдийг би танд санал болгож байна. Эдгээр илгээлтүүд нь таны зүрхэн дэх итгэлийг өсгөж, таныг үр дүнтэй, үр жимстэй болоход сургахын тулд бичигдсэн юм.

Эдгээрийг олж ав. Эдгээрийг сонс. Үгийг үйлс болго, тэгээд таны амьдрал хэрхэн өөрчлөгдөхийг та харах болно

Крис Ояхиломе пасторын материал, үйлчлэл болон  
«Христийн Элчин» Чуулганы тухай нэмэлт мэдээлэл  
авахыг хүсвэл, дараах хаягаар хандана уу:

**United Kingdom:**

Unit C2, Thamesview Business Centre  
Barlow Way, Rainham, RM13 8BT  
Tel.: +44 (0)1708 556 604

**South Africa:**

303 Pretoria Avenue  
Cnr. Harley and Bram Fischer,  
Randburg, Gauteng, South Africa.  
Tel: +27-11-326 0971,  
+27-11-326 0972

**Nigeria:**

Christ Embassy  
Plot 97, Durumi District,  
Abuja, Nigeria.

**Nigeria:**

Plot 22/23 Billings Way, Oregun,  
Ikeja, Lagos.  
Tel: +234-808 586 5700,  
+234-817 198 7339  
+234-802 478 9892-3

*Please include your testimony or help received  
from this book when you write.  
Your prayer requests are also welcome.*



